

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

Exegesis

[urn:nbn:de:bsz:31-122776](#)

mariò ipse Christus, qui est Angelus magni consilii, Esa. 9.vers.6. & secundariò omnes fideles Pastores, qui sunt Angeli pacis & amarè flent, quando vident semen verbi divini apud plerosq; non fructificare, Esa. 33. v. 7. Hinc triñā exclamatione vñ annunciant.

1. Obliviosis, apud quos semen verbi divini secus viam cadit, & ab avibus diripiatur.

2. Superciliosis, qui propriis viribus confidunt, & tamen radicem non habent, ut semen quod in pertam cadit.

3. Luxuriosis, qui curis hujus seculi, divitiis & voluptatibus tanquam spinis semen verbi divini in cordibus suis suffocant; Atque hoc ipsum videtur innuere Propheta Jer. c.22.vers.29. ubi terram hanc triplicem magnā etiam severitate inclamat, O terra, inquit, terra audi verbum Dei.

Idem facit etiam Christus in hodierno Evangelio, quod tribus constat partibus.

Prima describit *Concionatoris personam.*

Secunda *Auditorum Coronam.*

Tertia *Concionis materiam.*

JJ.

EXEGESIS.

Seminator est ipse Deifilius, qui in prima statim creatione ex arcana maiestatis suæ sede processit, & seminarioris quasi personam induens, duplex semen bonum sparsit.

Primò *naturale*, die tertio Creationis, Gen.1.v.II.

Secundò *spirituale*, quando die sexto hominem ad imaginem & similitudinem suam condidit, Gen.1.vers.26. quæ in primo homine spirituale & mysticum aliquod semen fuit, ex quo omnis generis spirituales

fructus Deo grati & placentes enasci poterant & debebant, Gal.5.v.22. supervenit vero alius seminarior, qui zizania incredulitatis & superbie in agrum cordis humani sparsit, Gen. 3. vers. 5. quibus bonum illud semen originalis justitiae penitus suffocatum est. Ne tamen æternum perirent homines, in plenitudine temporis humanam seminarior ille naturam assumit, & denud exiit, ut per semen verbi cœlestis virtute Sp. S. regenerati ac renovati gratia & vitæ iterum participes redderentur. Nam transiit in diebus carnis suæ per Iudeam, Galileam & Samariam, & sparsit semen verbi cœlestis, ut hac ratione ministerium N. T. in propria persona consecraret.

1. *Alacriter*, quâvis occasione, loco & tempore. Si modò auditores aderant, non poterat intermittere, quin aliquando concionem haberet, & ad vitam æternam rudem plebeculam eruditiret.

Hic docet è navi, juxta mare Galilee sub dio, auditores stant in littore, Marc.4. vers.1, alias in monte, Matth. 5. & 6. in Synagogis, Matth. 5.v.9. in templo, Matth.21.v. 23. in ædibus privatis, Matth.9.vers.12. Luc. 19.v.9. modò in via publica, Luc. 18.v.31.c. 24. v.15. Conaciones instituit.

Imitentur hoc exemplum omnes Ecclesiæ Doctores, & attendant gregi, in quo Spiritus Sanctus ipos posuit Episcopos, Act.20.v.28. quicquid faciunt, non somnolenter, sed alacriter peragant, Eccl. 9.v.10. Huc pertinent dicta Scripturæ, Rom.12.v. 7.2. Tim.2.v.15.c.4.v.5.1. Pet.4.v.10. tunc accipient aliquando coronam immarcessibilem, 1.Pet.5.v.4.

2. *Populariter*. Christus erat Doctor eruditæ linguae, Esa.50.v.4. in quo omnes thesauri sapientiae & scientiae reconditi erant,

K' 2 Col.2.

Dominica Sexagesima.

76

Col. 2. v. 3. & si voluisset, angelicis linguis potuisset loqui, sed demittit se ad captum auditorum, & stylo simplici per parabolas mysteria regni sui proponit, ut hoc docendi modo Ecclesia ministris normam prescriberet, secundum quam ipsi quoque non in persuasoriis humanae sapientiae verbis, sed in ostensione Spiritus & potentiae sermones suos ad populum instituerent, ut de seipso scribit, *i. Cor. 2. v. 1.*

3. *Affectionaliter*, & diversum auditorum suorum in audiendo verbo divino studium graviter perstringit, quia videbat non omnes pari intentione accessisse. Hinc clamat sub finem parabolæ: Qui habet aures ad audiendum audiat. Ita quilibet concionator, cum zelo quodam suggestum consendere, & pro auditorum conditione sermones suos prudenter informare debet, ne sit falsum, quod condire nesciat, *Matth. 5. v. 13.*

De Secundo.

VIdimus Concionatoris personam, vi debimus etiam Auditorum Coronam, qui describuntur in Textu

1. *Ratione quantitatis.* Nam convenerat turba plurima, inquit Evangelista, & καὶ τὸν ad Christum properabant.

Erubescant nostri homines. Turba haec aliquot milliaria ad Christum proficiscitur, ut conciones ipsius audiret. Nos præ foribus habemus, & tamen audire nolumus. Hoc vindicabit Dominus, & famem immitteret audiendi verbum Dei, *Amos 8. v. 11.* immo planè auferet regnum, & ad gentes migrabit, qui meliores fructus dabunt, *Matth. 21. v. 34.*

2. *Ratione qualitatis.* Notatur enim

1. *Genus*, quod non fuerint ex familia Herodis, vel Pontificum, sed de media ple-

be cives, opifices & agricultoræ. Quid igitur mirum, si & hodie pauci potentes & divites & nobiles concionibus sacris interest? Ecclesia est populus pauper & egenus, *Soph. 3. v. 12.* non multi sapientes secundum carnem, non multi potentes, non multinobiles, sed quæ stulta sunt mundi, elegit Deus, ut confundat sapientes, *i. Cor. 1. v. 26.* vide etiam *Jac. 2. v. 5.* nam Deus non est acceptor personarum, sed in omni gente, qui timet Deum & iustitiam operatur, acceptus est illi, *Act. 10. v. 35.*

2. *Zelus.* Nam properant ad Christum itinere pedestri, neglectis domi rebus suis œconomicis, adeoq; curam animalium domesticâ cura potiore ducunt. Apud nos hodie pietatis fervor penitus refrixit, plerique terrena sectantur, & cibum animæ negligunt. Excutiamus igitur veterum hunc, & quoties campanæ pulsum audimus, toties cum hac plebecula ad templū properemus, dicentes: Ecce Deus meus ad Ieminandum iterum exhibet: veniam ergo, ut ager cordis mei bono semine impleatur, alias turba haec in novissimo die contra nos surget, exemplo Reginæ Austri, *Matth. 12. v. 42.*

3. *Ratione disparitatis.* Nam diverso studio sequuntur Christum, 1. Quidam sunt *literales*, qui exterius verbum audiunt, de sensu patrum solliciti. De his Christus ait: Quod datum sit ipsis verbum nosse per parabolas, ut videntes non videant, & audientes non audiant, in iustam videlicet oscitantias pœnam quia discedebant, & explicacionem flocci pendebant. Alias voluntate antecedente sive misericordia vult Deus omnibus doctrinam Evangelii innotescere, sicut omnibus eandem sinit prædicari. Non autem vult absolute, & simpliciter, sed cum expressa hac conditione, ut mediis à se ordinatis

blatt